

յին՝ անդրկովկասեան յարաբերութիւնները բնականոն վիճակի մէջ ղենելու տեսակէտից — թէ՛ դաւառական ինքնավարութեանց (գեմըստիօ) խնդիրը ամէն անգամ արծարծուելու ժամանակ եւ թէ՛, մանաւանդ, Անդրկովկասում ազգային պետութիւններ ստեղծելու միջոցին: Մանօթ փաստ է նաեւ, որ ցարական այդ արատաւոր քաղաքականութիւնը հարազատօրէն ժառանգեց ու այսօր էլ դեռ շարունակում է պինդ պահել նրա շառաւիղը՝ Սորհրդային պիտակի տակ:

Այսպէս էր ահա զնահատում ոռու կառավարութիւնը, Հաքստհաուզէնի օրով, հայութեան փարուածութիւնը ոռու դրօշին, այդպէս է զնահատում նոյն կառավարութեան Սորհրդային ժառանգորդը եւ հայութեան այս օրուա՛ն փարուածութիւնը նոյն ոռու — թող լինի նա կարմրած — դրօշին: Եւ դա՛ հակառակ այն բանի, որ, ինչպէս 80-90 տարի սրանից առաջ, այնպէս նաեւ թերեւս այսօր — կրկնենք Հաքստհաուզէնի խօսքը — հայութիւնը «Անդրկովկասի միակ ժողովուրդն է, որ ամենամեծ հաւատարմութեամբ փարած է Ռուսաստանի դրօշին»:

Հայութիւնը իր պատմութեան մի դերագոյն մոմենտին պատուեց աշխարհակալի դրօշը իր հայրենիքում եւ սեփական՝ հիւսեց, բայց՝ ընկաւ անհաւասար կռուի մէջ: Նա փորձեց ոտքի կանգնել, ուզեց ենթակա՛յ դառնալու փոխարէն՝ կո՛ղմ դառնալ — ինչպէս որ Անանուն է բնորոշում — բայց տապալուեց: Եւ սակայն, հայութիւնը մասնաւորապէս եւ անդրկովկասեան ժողովուրդները ընդհանրապէս իրենց դարաւոր փորձութիւններից ու փորձերից յետոյ խելամուտ լինելու են վերջապէս, թէ ի՛նչպէս թանգ է նստում իրենց՝ «ազնիւ մաքերի» (միջնորդի) ծառայութիւնը, սովորելու են վերջապէս կարգադրել իրենց գործերը՝ փոխադարձ համաձայնութեան գետնի վրայ, որպէսզի հարկադրուած չլինեն ամէն անգամ մեծագին եւ յաւելեալ տուրք վճարել օտար աշխարհակալների շատ կասկածելի միջնորդութիւնների համար:

Հայութիւնը պարզ աչքերով տեսնում է, թէ ի՛նչպէս է «զնահատում» իր հաւատարիմ նուիրուածութիւնը եւ թէ ի՛նչպէս է «պատժուում» — քաղաքական տարբեր ուղին: Այդ

է արդէն հոգեբանութիւնը եւ քաղաքական վարքազիծը բոլոր ժամանակների եւ բոլոր վայրերի աշխարհակալների, այսինքն՝ արհամարհել, բնաւ հաշուի չառնել թոյլ բարեկամին, միանգամայն վստահ լինելով, որ նա, միեւնոյնն է, ամէն պարագայի տակ «փարուած» պիտի մնայ տիրապետողի դրօշին, հաւատարմօրէն պիտի ծառայի նրան: Ոչինչ ուրեմն, եթէ տէրը նրան անուշադրութեան մատնի ու դրա փոխարէն ջանքեր թափի՝ նրա հաշուին դոհացում պատճառելու, սիրաչահելու անհաւատարիմ դիտուածներին:

\* \* \*

Մի քանի խօսք էլ այն մասին, թէ պարսկալիա՛ն տիրապետութեան վերջը Անդրկովկասեան Հայաստանը վարչական-տնտեսական տեսակէտից ի՛նչ պատկեր էր ներկայացնում, մանաւանդ որ այդ կողմից եւս պարսկական ժառանգութեան հետքերը դեռ բաւական ժամանակ մնացին մեր երկրում:

«Պարսկական վարչութիւնը, ասում է Հաքստհաուզէն, թէ՛ իր հիմունքներով եւ թէ՛ կաղմակերպութեամբ այնչափ վատ է, որ մինչեւ իսկ այնպիսի արդարամիտ եւ ընտիր մարդիկ, ինչպիսին էր Երեւանի վերջին սարդարը\*» եւ որի ձեռքում ամբողջ իշխանութիւնը կենտրոնացած էր, հնարաւորութիւն չունէր պաշտօնէութեան աւազակային հակամիտներից բխող խայտառակ, ծանր վիճակը վերացնելու»:

Շահը նշանակում էր նահանգների կուսակալներին (սարդար) եւ նրանց անսահման իրազօրութիւն էր տալիս: Այդ կուսակալները պարտաւոր էին խաղաղութեան տարիներում տարբեր, պատերազմի միջոցին էլ տարբեր քանակով ռազմական ոյժ տրամադրել Շահին եւ որոշ տուրք վճարել: Դրանից դուրս այլեւս ոչ ոք չէր հետաքրքրում, թէ սարդարը ի՛նչպէս էր ժողովում տուրքը, թէ նա ի՛նչպիսի ծանր հարկերի տակ էր դնում իր հպատակներին: Պարսկական իշխանութեան սկզբունքն է՝ եկամուտի մինչեւ մէկ երրորդը կամ սեփա-

\* Երեւանի վերջին սարդարի (պարսիկ կուսակալ, փոխարքայ) մասին Հաքստհաուզէն մանրամասն խօսում է Երեւան քաղաքը նկարագրելիս: Այդ առթիւ՝ յետոյ: